

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA
Krizni štab

Broj: 13/1-33-2027-10-1/20

Tuzla, 16.03.2020. godine

Na osnovu člana 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 10/18 – Prečišćeni tekst), člana 6. Pravilnika o organiziranju i načinu rada Kriznog štaba Federalnog ministarstva zdravstva („Službene novine Federacije BiH“, broj: 10/12), tačke V Odluke 13/1-33-2027/20 od 04.02.2020. godine, Krizni štab Ministarstva zdravstva Tuzlanskog kantona donosi

NAREDBU

1. Shodno promjeni epidemiološke situacije u Evropskom regionu, Bosni i Hercegovini, Tuzlanskom kantonu, te procjeni epidemiološkog rizika, otkazuje se održavanje svih javnih skupova u Tuzlanskom kantonu, sukladno propisu o javnom okupljanju, kao i privatnih skupova, proslava i drugih (u organizaciji bilo pravnih ili fizičkih lica).
Rok: Odmah.
2. Obustavlja se rad kulturnih institucija: kina, muzeja, pozorišta, umjetničkih galerija i sl. na području Tuzlanskog kantona u trajanju od najmanje 15 dana od dana donošenja ove naredbe.
Rok: Odmah.
3. Obustavlja se rad javnih bazena i kupališta, sportskih centara, spa centara, fitnes centara i sl. na području Tuzlanskog kantona u trajanju od najmanje 15 dana od dana donošenja ove naredbe.
Rok: Odmah.
4. Obustavlja se rad svih ugostiteljskih objekata za pripremanje i prodaju hrane i pića: restorana, pizzeria, slastičarni, čevabdžinica, nargila barova, caffè i bistro barova, klubova, diskoteka, kazino, sportskih kladionica, rad kafića u sklopu benzinskih pumpi i sl. na području Tuzlanskog kantona u trajanju od najmanje 15 dana od dana donošenja ove naredbe.
Od ove naredbe se izuzimaju oni ugostiteljski objekti koji se, pismenim putem prema Kriznim štabovima gradova/općina, izjasne da će obavljati isključivo dostavu hrane, uz pridržavanje mjera zaštite i fizičkog razmaka prilikom dostavljanja hrane i pića, s tim da i dalje ne smiju služiti hranu i piće u objektu, niti primati goste u objekte.
Rok: Odmah.

5. Obustavlja se rad svih shopping tržnih centara, frizerskih i kozmetičkih salona i sl. na području Tuzlanskog kantona u trajanju od najmanje 15 dana od dana donošenja ove naredbe.

Rok: Odmah.

6. Rad trgovina osnovnim prehrambenim artiklima (supermarketi, hipermarketi, pekare, apoteke, benzinske pumpe) se organizuje do 18 sati u trajanju od najmanje 15 dana od dana donošenja ove naredbe.

Rok: Kontinuirano, u trajanju 15 dana.

7. Rad „buvljih“, sedmičnih pijaca, autopijaca i sličnih zabranjuje se u trajanju od najmanje 15 dana od dana donošenja ove naredbe, dok se rad zelenih pijaca i pijara odvija uz poštovanje preventivnih higijensko-epidemioloških mjera.

Rok: Odmah.

8. Nalaže se svim lokalnim samoupravama, kantonalnim upravama, privrednim društvima, fizičkim i pravnim licima na području Tuzlanskog kantona da pojačaju provođenje opštih i posebnih mjera zaštite stanovništva od zarazne bolesti, a u skladu sa Zakonom o zaštiti stanovništva od zaraznih bolesti Federacije BiH (Sl. Novine FBiH 29/5) sa posebnim naglaskom na pojačanu vanrednu dezinfekciju poslovnih površina, sredstava javnog prevoza (autobusi, taxi vozila, kombi vozila).

Rok: Odmah.

9. Zabranjuje se okupljanje na javnim igralištima, igraonicama, parkovima i drugim javnim površinama na području Tuzlanskog kantona u trajanju od najmanje 15 dana od dana donošenja ove naredbe.

Rok: Odmah.

10. Nalaže se svim zdravstvenim ustanovama na području Tuzlanskog kantona provođenje vanredne mjere dezinfekcije (liftovi, stubište, rukohvati, rampe za invalide, službena sanitetska vozila)

Rok: Kontinuirano.

11. Nalaže se poslodavcima da obezbijede fizičku zaštitu zdravstvenih radnika u svim zdravstvenim ustanovama, domovi zdravlja, bolnice, apoteke, zavodi (ovlaštene zaštitarske agencije, policija, pripadnici oružanih snaga, portiri).

Rok: Kontinuirano.

12. U cilju zaštite zdravlja stanovništva Tuzlanskog kantona, a u skladu sa prisutnim epidemiološkim rizicima predlažemo izmještanje Ureda za strance na granične prelaze, koji će voditi računa od evidenciji migranata. Cilj ove mjere je sprečavanje okupljanja migranata u gradskim zonama.

Rok: Odmah.

13. U cilju zaštite zdravlja zdravstvenih radnika, te prisustva opasnosti od mogućeg obolijevanja od Coronavirusa predlažemo da menadžment zdravstvene ustanove u skladu

sa zakonskim mogućnostima razmotri mogućnost odsustva jednog dijela radnika, po njihovoj procjeni u cikličnim razmacima kroz korištenje godišnjeg odmora ili pripravnosti, obzirom na trenutnu epidemiološku situaciju i potrebe angažovanja u procesu rada.

Rok: Odmah

14. Predlažemo da se reducira broj ostalih radnika u zdravstvu u cilju smanjenja rizika prenosa virusa COVID-19 unutar zdravstvenih ustanova (administracija).

Rok: Odmah

15. Zadužuju se savjeti mjesnih zajednica da obavještavaju gradske/općinske krizne štabove i nadležne policijske stanice o poznatim kretanjima osoba kojima su izdata rješenja o kućnoj izolaciji u svojim mjesnim zajednicama.

Rok: Odmah.

16. Zadužuju se svi predstavnici etažnih vlasnika u zgradama da poduzmu mjere pojačane dezinfekcije i čišćenja svih zajedničkih prostorija i površina u saradnji sa Upraviteljima.

Rok: Odmah.

17. Prilikom ukopa umrlih preporučuje obavljanje obreda sa minimalnim brojem prisutnih uz pridržavanje mjera minimalnog socijalnog kontakta (bez fizičkog kontakta).

Rok: Odmah.

18. Nalaže se organima upravljanja, upravnim organizacijama, institucijama, javnim ustanovama, preduzećima i ostalim pravnim subjektima koji se bave pružanjem usluga građanima (elektrodistribucija, telekom, pošta, šalter sale gradova/općina, banke i sl) da uvedu dvokratno radno vrijeme, gdje će između dva radna vremena izvršiti dezinfekciju prostorija i površina. Preporučuje se da izvrše racionalizaciju potrebnog kadra za obavljanje rada u skladu sa pojačanim higijensko-epidemiološkim mjerama. Svi navedeni subjekti obavezni su dostaviti informaciju o poduzetim mjerama Kriznom štabu na mail adresu kriznistabmztk@gmail.com

Rok: Odmah.

19. Nalaže se organima upravljanja, upravnim organizacijama, institucijama i drugim kojima je osnivač tuzlanski kanton ili grad/općina da sagledaju mogućnost skraćivanja radnog vremena i smanje potreban broj uposlenika sa periodičnim rotiranjem, zob redukcije međusobnih kontakata.

Rok: Odmah.

20. Traži se od nadležnih inspekcija da sankcionišu neopravdano veliki rast cijena prehrambenih i svih drugih artikala.

Rok: Odmah.

21. Traži se od Ministarstva obrazovanja i nauke Tuzlanskog kantona da sagleda mogućnosti da nastavno osoblje obavlja potrebne aktivnosti od kuće.

Rok: Odmah.

22. Preporučuje se poslodavcima da prilikom organizacije posla, u skladu sa aktuelnom epidemiološkom situacijom, iskažu razumijevanje za osobe koje boluju od hroničnih bolesti koje za posljedicu imaju imunodeficijenciju, kao i za osobe koji su roditelji ili staratelji djece ili osoba sa posebnim potrebama.

Rok: Odmah.

23. Traži se od vjerskih zajednica u BiH da izdaju naredbu zabrane dolaska na grupne molitve osobama: koje su u prethodnih 14 dana boravile u inostranstvu, koje su bile u kontaktu sa osobama iz inostranstva, koje imaju simptome respiratornih oboljenja, koje u porodici imaju osobe kojima je izdato rješenje o samoizolaciji.

Rok: Odmah.

Donesene naredbe i preporuke imaju za cilj preveniranje pojave i širenja oboljenja koje izaziva COVID-19. Sve naredbe i preporuke, koliko god izgledale stroge, izdate su u cilju zaštite zdravlja stanovništva Tuzlanskog kantona, te očekujemo pridržavanje istih.

Dostaviti:

- 1x Gradovi/općine (krizni štabovi)
- 1x Gradovi/općine – mjesnim zajednicama
- 1x JZU/ PZU / Privatni zdravstveni radnici/ apoteke TK
- 1x Ministarstvo trgovine, turizma i saobraćaja TK – obavijestiti resor
- 1x Ministarstvo obrazovanja i nauke TK – obavijestiti resor
- 1x Ministarstvo za kulturu, sport i mlade TK – obavijestiti resor
- 1x Ministarstvo privrede TK – obavijestiti resor
- 1x KUIP TK
- 1x FUIP
- 1x ZZO TK
- 1x mediji
- 1x a/a

